

Broj: 07-1666-4/20

Datum: 09.11.2020. godine

PREDMET: Izmjena dijela tenderske dokumentacije i dopuna u postupku javnog nadmetanja „Nabavka okruglog čelika, prema specifikaciji II“

U vezi sa Pozivom za dostavu ponude u postupku Javnog nadmetanja „Nabavka okruglog čelika, prema specifikaciji“ II broj: 07-1666-3/20 od 02.11.2020. godine, vrši se izmjena tenderske dokumentacije, kako slijedi:

1. Mijenja se Obrazac 10- Prijedlog okvirnog sporazuma, u članu 5. i 14. i isti se dostavlja u prilogu ove izmjene
2. Mijenjaju se tačke 5.9, 5.10, 5.13 i 5.14 a koje se odnose na rok za predaju ponuda i izmjene po svim tačkama glase:

5.9 Postupak javnog nadmetanja se provodi na slijedeći način:

Društvo objavljuje Obavještenje o nabavci broj 07-1666-2/20, dana 02.11.2020. godine, koje je sastavni dio ove TD, te zajedno sa pozivom za dostavljanje ponuda i ovom TD, čini dostupnim za preuzimanje potencijalnim ponuđačima na web stranici Društva.

Zahtijeva se da potencijalni ponuđači najkasnije do 16.11.2020.godine, do 12.00 sati, pripreme i dostave na adresu Društva svoju ponudu u predmetnom postupku nabavke. Ponude koje pristignu nakon navedenog roka, ne otvaraju se i kao takve se vraćaju na adresu ponuđača.

Nakon prijema dostavljenih ponuda, komisija za nabavku će na sastanku komisije, u 14.30 sati, uz mogućnost prisustva svih ponuđača koji su blagovremeno dostavili svoje ponude ili njihovih predstavnika uz pismeno ovlaštenje, izvršiti javno otvaranje ponuda, te sačiniti zapisnik sa otvaranja ponuda.

Izmjena krajnjeg roka za prijem ponuda, uticat će na promjenu datuma otvaranja ponuda.

Komisija za nabavke može nakon pregleda i izvršene kvalifikacije ponuđača, uputiti svim kvalifikovanim ponuđačima poziv na pregovore o finansijskim aspektima ponude. Pregovori će se voditi sa svakim ponuđačem pojedinačno u smislu smanjenja cijena, koje će biti konstatovano na već dostavljenoj ponudi sa datumom, potpisom i pečatom ovlaštenog lica ponuđača.

U slučaju da ponuđač kojem je upućen poziv na pregovore, ne želi istima prisustvovati, obavezan je dostaviti Izjavu, potpisanu od strane odgovornog lica i ovjerenu pečatom, kojom izjavljuje da ostaje pri uslovima cijene svoje ponude, a što će također biti zapisnički konstatovano.

5.10 Dostavljanje ponuda:

Ponuđač dostavlja 1 (jednu) ponudu u originalu na kojoj će čitko napisati: "ORIGINAL PONUDA".

Ponuda sa pečatom i potpisom treba biti zapečaćena, dostavljena u zatvorenoj, neprovidnoj koverti na kojoj će biti naznačeno: Postupak javnog nadmetanja broj 07-1666-2/20, ne otvarati do 16.11.2020. godine do 14.30 sati, adresa za dostavu TD: **Tvornica transportnih uređaja energetik d.o.o. Tuzla, 18 Hrvatske brigade br. 25, „Protokol“**, te, u lijevom uglu koverta navesti naziv i adresu ponuđača.

5.13 Mjesto, datum i vrijeme prijema ponuda:

Ponude se trebaju dostaviti na slijedeću adresu: **Tvornica transportnih uređaja energetik doo Tuzla, 18. Hrvatske brigade br. 25, 75 000 Tuzla, Kancelarija „Protokol“**.

Rok za dostavljanje ponuda ističe **16.11.2020. godine u 12.00 sati**. Ponude koje su dostavljene po isteku ovog roka će biti vraćene ponuđaču neotvorene.

5.14 Mjesto, datum i vrijeme otvaranja ponuda:

Javno otvaranje ponuda će se održati 16.11.2020.godine u 14.30 sati, u prostorijama, na adresi Društva. Ponuđači ili njihovi predstavnici mogu prisustvovati otvaranju ponuda uz pismeno ovlaštenje lica ponuđača.

U svim ostalim tačkama, poziv ostaje nepromijenjen, a u prilogu ove izmjene su Obrazac 10. sa izvršenim izmjenama u članu 5. i 14. istog, i prema istom ponuđači trebaju dostaviti svoje ponude.

TTU energetik d.o.o. Tuzla



OKVIRNI SPORAZUM

Obrazac 10



**TVORNICA TRANSPORTNIH UREĐAJA
ENERGETIK D.O.O TUZLA**
18. Hrvatske brigade br. 25,
75000 – Tuzla
Bosna i Hercegovina

i

PRIJEDLOG OKVIRNOG SPORAZUMA
„Nabavka okruglog čelika, prema specifikaciji II“

Novembar, 2020. godine

OKVIRNI SPORAZUM

o nabavci roba « Nabavka okruglog čelika, prema specifikaciji II » broj _____, zaključen u prostorijama TTU energetik d.o.o. Tuzla, u ulici 18. hrvatske brigade broj 25, 75000 Tuzla.

UGOVORNE STRANE

1. **Tvornica transportnih uređaja energetik d.o.o. Tuzla**, 18. hrvatske brigade broj 25, 75000 Tuzla, PDV broj 210256230002, koje zastupa Zulić Almir, direktor, (u daljem tekstu: „Kupac“)
2. _____, _____, _____ PDV broj _____, koje zastupa _____ (u daljem tekstu: „Prodavac 1“)
3. _____, _____, _____ PDV broj _____, koje zastupa _____ (u daljem tekstu: „Prodavac 2“)
4. _____, _____, _____ PDV broj _____, koje zastupa _____ (u daljem tekstu: „Prodavac 3“)
5. _____

Zajedno (u daljem tekstu) „Ugovorne strane“

PREDMET OKVIRNOG SPORAZUMA

Član 1.

Ovim Okvirnim sporazumom reguliše se nabavka roba « **Nabavka okruglog čelika, prema specifikaciji II » (Lot 1, Lot 2, Lot 3, Lot 4 i Lot 5)**, prema zahtjevima Kupca iz tenderske dokumentacije broj: 07-1666-3/20.

Okvirni sporazum se zaključuje na osnovu Odluke o dodjeli Okvirnog sporazuma broj: _____ od _____ godine, donesene na osnovu provedenog postupka javnog nadmetanja: broj: 07-1666-3/20 s namjerom sklapanja Okvirnog sporazuma sa više Ponuđača – Dobavljača.

Na osnovu Odluke o dodjeli Okvirnog sporazuma broj: _____ od _____ godine Kupac je odabrao i rangirao ponude slijedećih dobavljača:

1. _____ " d.o.o. _____, broj ponude: _____ od _____ godine (Prodavac 1),
2. _____ " d.o.o. _____, broj ponude: _____ od _____ godine (Prodavac 2),
3. _____ " d.o.o. _____, broj ponude: _____ od _____ godine (Prodavac3),

kao najbolje ocjenjene ponude u skladu sa zahtjevima iz tenderske dokumentacije, i iste čine sastavni dio Okvirnog sporazuma.

Ovaj Okvirni sporazum ne predstavlja obavezu Kupca za kupovinu roba iz stava 1. ovog člana od Prodavaca roba (1, 2 ili 3). Obaveza nastaje tek kada Kupac roba ispostavi pojedinačnu narudžbenicu, a Prodavac roba (1, 2 ili 3) potvrdi isporuku za svaku pojedinačnu stavku narudžbenice, a prema uslovima dostavljene ponude i sa ostalim uslovima iz tenderske dokumentacije.

Kupac roba će umjesto zaključenja pojedinačnih ugovora, Prodavcu roba dostavljati pojedinačne ili zbirne narudžbenice.

TRAJANJE OKVIRNOG SPORAZUMA

Član 2.

Vrijednost Okvirnog sporazuma iznosi:

LOT 1: 70.000,00 KM
LOT 2: 90.000,00 KM
LOT 3: 90.000,00 KM
LOT 4: 130.000,00 KM
LOT 5: 150.000,00 KM

Okvirni sporazum se zaključuje na period od 6 mjeseci od dana njegovog potpisa ili do utroška sredstava vrijednosti Okvirnog sporazuma, u zavisnosti od toga koji od uslova prije nastupi.

OBRAČUN I FAKTURISANJE

Član 3.

Isporuke robe iz člana 1. ovog Okvirnog sporazuma vršit će se na osnovu dostavljenih pojedinačnih narudžbenica (*u daljem tekstu: narudžbenica/e*) Kupca koje moraju sadržavati tačnu specifikaciju vrste robe, kvalitet, količinu i rok isporuke, a obračun i fakturisanje vršit će se uz isporuku robe.

NAČIN FAKTURISANJA I PLAĆANJA

Član 4.

Kupac se obavezuje da će plaćanje isporučene i fakturisane robe izvršiti u roku od 60 (šesdeset) dana od prijema fakture koja glasi na Kupca, ispostavljene u skladu sa Pravilnikom o primjeni Zakona o porezu na dodanu vrijednost.

Uslov za plaćanje je da roba po svakoj pojedinačnoj narudžbi bude kvalitativno i kvantitativno zaprimljena u skladište Kupca.

NARUČIVANJE ROBA

Član 5.

Kupac robe je dužan narudžbenicu koja sadrži sve bitne elemente (specifikaciju robe po vrstama, sa tačnim dimenzijama, kvalitetom, količinom i rokom isporuke,) poslati putem e-maila ili faksa prema Prodavcu 1. Odmah po prijemu narudžbe, a najkasnije u roku od 24 sata od dana njena prijema, predstavnik Prodavca broj 1 mora potvrditi mogućnost isporuke robe prema zaprimljenoj narudžbi, za svaku stavku narudžbe prema definiranim uslovima.

U slučaju da Prodavac 1 potvrdi narudžbu u cijelosti ista mu se dodjeljuje bez daljih koraka.

U slučaju da Prodavac 1, u ugovorenom roku, ne potvrdi isporuku cijele ili dijela narudžbe, predmetna narudžba odnosno njen nepotvrđeni dio se proslijeđuje Prodavcu 2 koji ima isti rok za potvrdu.

U slučaju da Prodavac 2, u ugovorenom roku, ne potvrdi isporuku cijele ili dijela narudžbe, predmetna narudžba odnosno njen nepotvrđeni dio se proslijeđuje Prodavcu 3 koji ima isti rok za potvrdu.

Ako Prodavac 1 tokom perioda od mjesec dana ne potvrdi min. 80% narudžbi u predviđenom roku, Kupac ima pravo da mu oduzme pravo prvenstva utvrđeno rang listom, i prvenstvo dodjeli Prodavcu 2.

Ako Prodavac 2 tokom perioda od mjesec dana ne potvrdi min. 80% narudžbi u predviđenom roku, Kupac ima pravo da mu oduzme pravo prvenstva utvrđeno rang listom, i prvenstvo dodjeli Prodavcu 3.

U slučaju da prodavac prvobitno potvrdi isporuku cijele ili dijela narudžbe u roku kako je to predviđeno u stavu 1. ovog člana, ali da isti nakon proteka tog roka obavijesti Kupca da ipak nije u mogućnosti izvršiti potvrđenu narudžbu ili njen dio, ili bez obavijesti istu ne izvrši u potpunosti ili djelimično u ugovorenom roku, u tom slučaju Kupac takvom prodavcu može dati opomenu zbog neizvršenja potvrđene narudžbe.

Kupac može izreći najviše tri opomene u situacijama kako je to definisano u prethodnom stavu, a nakon izrečene treće opomene, isti može jednostrano raskinuti Sporazum.

OBAVEZE KUPCA

Član 6.

Kupac se obavezuje da:

- izvrši kvalitativan i kvantitativan prijem robe prema narudžbenici,
- izvrši plaćanje u skladu sa članom 5. ovog Okvirnog sporazuma.

Prodavac se obavezuje da:

- potvrdi narudžbenicu koja mu bude dostavljena u roku od 24 sata od njenog prijema,
- izvrši isporuku robe u ugovorenom roku sa svom potrebnom dokumentacijom koja je definirana TD odnosno: otpremnica koja sadrži detaljnije informacije o isporučenom materijalu (Naziv, dimenzije, kvaliteta materijala, količina sa jedinicom mjere, veza sa brojem narudžbe i ugovora), Atest za materijal (vrsta atesta je definisana u TD i/ili narudžbom), ovjerena izjava o porijeklu robe (Ukoliko se za traženi materijal zahtjeva dostava izjave), kopija narudžbe,
- izvrši isporuku na ugovorenoj destinaciji,
- ispostavi fakturu prema članu 3. i 4. ovog Okvirnog sporazuma.

KVALITET ROBE I GARANTNI ROK

Član 7.

Prodavac daje garanciju na kvalitet isporučene robe na period od 12 mjeseci od dana isporuke. Isti se obavezuje da isporučena roba bude u kvalitetu zahtjevanom tenderskom dokumentacijom i svakom pojedinačnom narudžbom. Prodavac se obavezuje da uz svaku isporuku robe priloži i odgovarajući atest za materijal (Atest 3.1) u skladu sa datom izjavom u priloženoj dokumentaciji ponude. Svi isporučeni materijali moraju biti označeni na način da se nedvojbeno može utvrditi povezanost sa dostavljenim atestom materijala kao i osigurati sljedivost.

Uz svaku pojedinačnu isporuku osim atesta navedog u stavu iznad, neophodno je dostaviti otpremnicu sa svim podacima o materijalu koji se isporučuje (Naziv, dimenzije, kvaliteta materijala, količina sa jedinicom mjere, veza sa brojem narudžbe i ugovora, zatim fakturu, a ukoliko je to narudžbom traženo i Izjavu o porijeklu materijala.

Dostava atesta se takođe može vršiti i u elektronskoj formi isključivo prije isporuke i to samo na e-mail adresu: atest@ttuenergetik.ba. Slanje atesta na druge email adrese nije prihvatljivo. Materijal za koji nije pravovremeno dostavljen atest i otpremnica sa svim neophodnim informacijama, odnosno ukoliko materijal koji ne bude adekvatno označen kako bi se utvrdila povezanost sa dostavljenom dokumentacijom, bit će vraćen dobavljaču.

Član 8.

Materijal koji se isporučuje mora biti pravilno uvezan i raspoređen na prevoznom sredstvu radi sigurnog istovara i kvalitativno-kvantitativnog pregleda i prijema. Ukoliko je materijal izmješšan ili natovaren na način da se ne može izvršiti siguran istovar i/ili prijem, isti će biti vraćen Prodavcu.

Kupac nema obavezu da obavještava Prodavca o utvrđenim nedostacima prije nego se materijal vrati istom, a zbog činjenice da je Prodavac obavezan ispuniti gore navedene uslove za isporuku. Od navedene obaveze pravilnog i sigurnog utovara nisu izuzeti ni podugovarači ili stranke koje Prodavac angažuje za prevoz robe na destinaciju Kupca.

Ukoliko smatra za neophodno, Kupac će izdati pismenu opomenu dobavljaču za napravljeni propust.

Član 9.

Ukoliko se od strane odgovornih lica Kupca utvrdi da na isporučenoj robi nedostaci u kvalitetu, kvantitetu ili očigledne greške, Kupac obavezan je telefonski obavijestiti Prodavca o utvrđenim nedostacima, i odmah sačiniti Zapisnik o reklamaciji i isti dostaviti Prodavcu.

Prodavac je dužan u roku od 24 (dvadeset četiri) sata od dana prijema Zapisnika o reklamaciji, utvrđene nedostatke otkloniti, ili reklamiranu robu zamijeniti novom koja ima ugovorene ili bolje karakteristike.

Član 10.

Ukoliko se nakon prijema robe od strane Kupca pokaže da ista ima neki nedostatak koji se nije mogao otkriti uobičajenim pregledom prilikom primopredaje, Prodavac će nastaviti postupak reklamacije, shodno članu 10. ovog Okvirnog sporazuma.

GARANCIJA ZA DOBRO IZVRŠENJE UGOVORA

Član 11.

Prodavac (1, 2 i 3) je obavezan dostaviti Kupcu, kao instrument obezbjeđenja za dobro izvršenje Sporazuma, bankovnu garanciju za dobro izvršenje ugovora, ovjerenu od strane Prodavca, u visini od 3% ukupno procijenjene vrijednosti Okvirnog sporazuma bez PDV, u roku od 7 (sedam) dana od dana obostranog potpisa ovog Sporazuma. Period trajanja garancije treba da pokriva cijeli period trajanja Sporazuma tj. 6 mjeseci.

Instrument obezbjeđenja će služiti Kupcu kao kompenzacija za bilo koji gubitak koji bi bio prouzrokovao ako Prodavac ne uspije da izvrši svoje obaveze po ovom Sporazumu.

Instrument obezbjeđenja Kupac zadržava za cijelo vrijeme trajanja svih obaveza koje proizlaze iz Sporazuma i isti vraća Prodavcu, ne kasnije od 30 (trideset) dana nakon datuma izvršenja obaveza prema Sporazumu.

U slučaju da ovom tačkom tenderske dokumentacije nisu riješene sva pitanja vezana za izdavanje i naplatu potraživanja po izdatom instrumentu obezbjeđenja, primjenjuju se važeći propisi koji regulišu ovu oblast.

U slučaju da Prodavac ne dostavi instrument obezbjeđenja u roku iz stava 1. ovog člana, zaključeni sporazum se smatra apsolutno ništavnim.

NAKNADA ŠTETE

Član 12.

Prodavac je dužan Kupcu i trećim licima nadoknaditi štetu koja nastupi iz njegovog djelovanja ili propuštanja u izvršavanju ovog Okvirnog sporazuma.

VIŠA SILA

Član 13.

Za svrhe ovog Okvirnog sporazuma, pod višom silom se podrazumijevaju događaji i okolnosti koje se nisu mogle predvidjeti, izbjeći ili otkloniti u vrijeme zaključenja Okvirnog sporazuma i koji ugovorne strane onemogućavaju u izvršenju ugovornih obaveza.

Pod događajima i okolnostima iz prethodnog stava smatrat će se naročito: rat, poplava, požar, generalni štrajk i slični događaji.

Nemogućnost bilo koje ugovorne strane da ispunji bilo koju od svojih ugovornih obaveza neće se smatrati raskidom Okvirnog sporazuma ili neispunjavanjem ugovorne obaveze, ukoliko se takva nemogućnost pojavi usljed dejstva više sile, s tim da je ugovorna strana koja je pogođena takvim događajem:

- preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog Sporazuma, i
- obavijestila drugu ugovornu stranu na način koji je u datoj situaciji jedino moguć, odmah po nastanku više sile, a najkasnije u roku od 3 (tri) dana od pojave takvog događaja i preduzetim mjerama na otklanjanju štetnih posljedica dejstva više sile.

RASKID OKVIRNOG SPORAZUMA

Član 14.

Ugovorne strane zadržavaju pravo na raskid Okvirnog sporazuma zadržavaju u slučaju da jedna od njih ne ispunjava svoje ugovorne obaveze, s tim što su obavezne da o svojoj namjeri u pisanoj formi obavijeste drugu ugovornu stranu najmanje u roku od 30 (trideset) dana unaprijed.

Kupac može bez otkaznog roka raskinuti Okvirni sporazum ako:

- Prodavac ne izvrši neku od ugovorenih obaveza,
- Prodavac ne ispunji obavezu u roku navedenom u zahtjevu Kupca,
- Prodavac dobije treću opomenu zbog neizvršavanja obaveza iz pojedinačnih narudžbi
- Prodavac bankrotira ili ne bude platežno sposoban na bilo koji drugi način.

POVJERLJIVOST

Član 15.

Ugovorne strane i njihovo osoblje ne mogu za vrijeme trajanja ovog Okvirnog sporazuma, kao i nakon prestanka njegovog važenja, objaviti nikakvu povjerljivu informaciju koja se odnosi na

zadatak, ovaj Okvirni sporazum ili poslovanje ugovornih strana, bez prethodne pisane saglasnosti ugovornih strana.

Član 16.

Prodavci robe nemaju pravo da u svrhu izvršenja Okvirnog sporazuma zapošljava fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija a za nabavke, nadležna za dodjelu ovog Okvirnog sporazuma o javnoj nabavci, najmanje 10 (deset) mjeseci po zaključenju ovog Okvirnog sporazuma.

RJEŠAVANJE SPOROVA

Član 17.

Ugovorne strane će uložiti maksimalne napore, da sporazumno, u duhu dobrih poslovnih odnosa i uzajamnog povjerenja, riješe sve eventualne sporove koji se pojave u vezi sa ovim Okvirnim sporazumom ili njegovom interpretacijom.

U slučaju da se spor između ugovornih strana u vezi sa ovim Okvirnim sporazumom ne može sporazumno riješiti, isti će se povjeriti na rješavanje stvarno nadležnom sudu u Tuzli.

PRIMJENA PRAVA

Član 18.

Na sve odnose i institute koji nisu navedeni u Okvirnom sporazumu, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

OSTALE ODREDBE

Član 19.

Ovaj Okvirni sporazum stupa na snagu danom potpisivanja od strane ovlaštenih lica ugovornih strana, a primjenjivat će se do 6 (šest) mjeseci od stupanja Okvirnog sporazuma na snagu ili do realizacije procijenjene vrijednosti Okvirnog sporazuma, u zavisnosti koji uslov prije nastupi.

Odredbe Okvirnog sporazuma ne mogu se mijenjati nakon njegovog zaključenja.

Za praćenje realizacije ovog Okvirnog sporazuma Kupac će imenovati odgovorno lice.

Član 20.

Ovaj Okvirni sporazum je sačinjen u 4 (četiri) istovjetna originalna primjeraka, po 1 (jedan) za svaku ugovornu stranu.

Za Prodavca 1:
Direktor

Za Prodavca 2:
Direktor

Broj:
Datum:

Broj:
Datum:

Za Prodavca 3:

Za Kupca:

Direktor

Direktor

Broj:
Datum:

Broj:
Datum: